

« تۈرك يوردى » نىڭ آيتۇنلار بىلەن ھەدىيە اولدۇرۇق تەقدىم
ايدە ھېكى رسالە و كىتابلارنىڭ اسملىرى و مىقدارلىرى قىياغلىق
ايلىنىپ، اوزىنىڭ يوردىنىڭ مىقدارلىرىغا باھالىنىدۇر.

تۈرك يوردى

ناشرى : تۈرك يوردى

مىدارى : آق چورە اوغلى يوسف

يىل ۵ جلد ۱۰ سانى ۱۱۴

۱۷ ئىيۇن ۱۳۳۲

يىل ۱۳۳۲ سانى ۹

تایبی شیبانی زور لاش، حتی مهاجرلرک دوردی دیواری آتلاش و اون ایکسی ده آتلامق اوزره وئورلردی. او آراق قوش بک اسمنده قانی وقلی اصیل بر عسکر قلنجی چکمش، آتلاش آرقه سندنده کندی کی دوت قهرمان دها یتشمشدی. فقط بودورت کشی اون ایکی کشی به قارشی یدیلر. بونکله برابر شدید هجوملر، جسور آتلاشلرله تهلکینی بر طرف ایتدیلر. مهاجرلر بر قاج ولوری ایله برابر دیوارلرک او بر طرفه دوشدیلر.

قاسم بک تکرار تکرار دشمن قره غوللرینه هجوم ایده یور. باشلر کتیره رک دیوارلرک اوسته آسوردی.

او زمانلرده نه صحیه، نه ده صلیب احمر واردی: محاربه محاربه ایدی.

فقط ایکی قادین استحکاملرک آراسنده دولاشیور، یارلری صاریور، علاج یاپیوردی. بابرک آناسی خانم آجی به تحمل ایده مزدی. احسان الدوله محارب بر عرفک اولادی اولدینی ایچین حمایه و یارایه قارشی ارثی بر چوق علاجلر بیلردی. فقط آدم بر دفعه اولور، دیور و عادی عسکرلره بر اصیل کی باقی عادی بولیوردی. اک سوکیلی ده کنجلیکنه رغماً خیر ایشله مک ایچین دنیادن بکشمشدی. بویله جه اختیارک حاضر لادینی، دوگدیکی علاجلری آلیورلر، آنا قیز بیاض اورتولریله سوکیلی لرینک خانلغی محافظه ایچین یارالانان جسور عسکرلره باقیوردلردی، آنا قیز قویون قویونه کیجه هجوم بکلیه رک تیره کن بوندن فضله برشی یایامیاجقلرینی سویله یورلردی.

یتشدی

سیاحت

آتایلره دوغرو

باشی صائی ۱۲ - جلد ۱ ده در.

قازاقلر بک اسکی دورلردنبری دیلرینه زیاده اهتمام ایتمش؛ امی لک ایله برلسانی نه قادیار ایشلمک قابل ایه آتی یامشلردر. تورکجه نک بر شیومسی دیمک اولان قازاق دیلنک عصرلرجه ایشلمش اولان عثمانلی شیومسندن دها واسع اوله جفنده شبه ایدیه مز. قازاق حیاتنده تصادف ایدیه جک هیچ بر شیک و بو حیاتک الهام ایده بیله جکی هیچ بر معنائک افاده سی ایچون خارچدن برکله دیلنمکه احتیاجلری بو قدر. فی الحقیقه تاریخی بک ده معلوم اولیان زمانلرده عربجه دن خیلی کله آلمش ایه لرده آنلری ده تمامیه کندی شیوملرینه اویدر مشلردر. بر قازاق آغزندن جیقان کله لرک هپسنی کندی مالی اوله رق قوللانیر؛ ذاتاً خارچدن کیرمش اولدینی خاطرینه بیله کتیرمز. قازاق لساننده عربجه دن باشقه نادر آده فارسیجه به تصادف اولور. صوک کونلرده بک آز اولمق اوزره بعض روسجه کله لرده آلمش. فقط بونلرده قازاقلاشدریلره رق قبول ایدلمشدر. آنکچون بر قازاق لساننک خالص قازاقجه اولدینی ادعا ایتک خصوصنده ذره قدر تردد ایتمز.

ارکک ، قادین ایچون منتظم ، دوزکون سوزسویله مک برنوع غایه املدر . بر قازاق جوجوخی دیلی آجیلیر آجیماز کوکلنده انکشاف ایدن بواملی حس ایتیمده کیکمز ، آنا آناسدن یاقلرندن کوردیکی ناطقه پردازلغه در حال میل ایدر . اوینارکن ، ماللری طوبلارکن . . . جوجق ، قازاق کنجی دایما آرقداشیه سوز کوره شدیرر ؛ سوزلرک دوز کونلکی جوابک چابوقلنی ایله غالب کلک بویوک بر موفقیت صاییلیر . حتی بو موفقیتلر آنا آنانک آفرینلرینی قازانمق ایچونده اک مناسب بروسیله تمکیل ایدر . آنکچون جوجق کندينک ومخاطبنک سوزلرینی سیناً نقل ایدرک افتخار ایتیمکده کیر و طورمز . هله قیز و اوغلان آرزوق حسیات صاحبی اولمغه باشلادیمی سوزلرینک زمینی دیکشیر ؛ طاتلی ، حسی وادیلرده دیل اویناتمغه باشلارلر . اوغلان وقیز خصوصی وعمومی اکلنجه یرلرنده قارشى قارشى به کلهرک دیل یاریشی ایدرلر . بالطبع موفقیت ابراز ایدنلر آلقیشلارلر . ایشته بو حسی آلقیشلاره مظفریتده هرکنج ایچون غایه املدر . حقیقه دیلی دوزکون اولان یکیت وقیزلر بوتون اقران وامثاللری آردسند غبطه ایدیله جک بر شهرت قازانیلر . فقط بوشهرته هرکس نائل اوله مز ، نائل اولانلرده « مییمه » نامی ویریلیر . ادیب دیمکدر . چیجه نلر قبیله ایچنده مستنا موقع اشغال ایدرلر ؛ بونلره احترام اولنور . « بی » لر علی الاکثر چیجه نلردن انتخاب اولنور . آنکچون چیجه نلرک استقباللریده پارلاق دیمکدر . و برده چیجه نلرک بعض جمله لری قائلنه اسناد اوله رق ضروب امثال صرمنه کیریلیر که بوده آیروجه بر شهرت تأمین ایلر . . .

دوزکون وایی سوز سویله نلره چیجه نلرک دینلیدیکی کبی ، بو سوزلری منظوم اوله رق ایراد ایتک ملکه سی بولنانلرده « آقوره » نامی ویریلیر که شاعر دیمکدر . آقونلر چیجه نلرده اولورلر . فقط هر چیجه نلک نظم یا بمق ملکه سی اولیه بیلیر . آنکچون آقونلق مستنا بر موقع فضیلتدر . آقونلرک سویلیدیکی اورک (شعر) لر قبیله کنج لرنجه در حال حفظ اولنور . پارلاق پارچه لری سوزلره زینت اولمق اوزره عمومک دیلنه کیرر . آقونلرک موقعلری یک یوکسکدر . هر قازاق آقونلره قارشى قلبنده بویوک بر احترام حس ایدر . ذاتاً بو احترام بعضاً مجبوریده اولیور . چونکه بعض آتشین آغزلی آقونلر بیکنمدکلری کیمسه یی هجو ایتیمکدن خوشلانیرلر .

قازاق آقون و چیجه نلری اوله ک وسوزلری دوشونهرک ، یازهرق دکل ، دایما ارتجالی اوله رق سویلیورلر . آنکچون آقون و چیجه نلرک اوله میان کیمسه بونلر ایله سوز کوره شدیرمز . آدمک بر سوزینه قارشى منتظم ومعقول اولمق شرطیله یوز سوز بولورلر . ایشته شو مهارتلی سایه سنده بونلر قبیله لری ایچون یک مهم بر عنصر تشکیل ایدرلر . باشقه بر قبیله ایله بر نزاع اولدیمی وکالت مطلقا چیجه نلر و یا خود آقونلره حواله ایدیلیر . آنلر دیبلرینک ایشلکلکی سایه سنده خصمنی اسکات ایله علی الاکثر دعوائیده قازانیلر . بوده چیجه نلرک و آقونلرک قبیله لریله تفاخر یوللو سویلیدکلری سوز و اوله کله بر ضمیمه ماده تشکیل ایلر . . . ایشته شو حاله کوره قبیله نلک آقونلریله ، چیجه نلریله افتخار ایتیمکه حتی وار دیمکدر .

آقونلرک اوله کله رى علی الاکثر انفسی اولمقدن زیاده آفاقیدر . اوله کله رده اکثر یا قوم وقیله

بویوککلی، قوتی، مال و طوارلرینک کثرتی موضوع بحث ایدیلیر. مدعالرده آرزوق خیال یله قاریشیق مادی وحشی دلیللر ایله تأیید اولنور. بعضاً جوش و خروشه کله رک بوستون وادی خیاله دوشهر، قیله سنی، یوردینی، ایلی یوکسلدکجه یوکسلدیر؛ فقط بری طرفده خصمی اولان قیله وایللری ده اسفل سافلینه قدر ایندیرر. بعضاً آقون پک یوکسک موضوعلر انتخاب ایدرک سوکیلی قیله سنک ویاخود بویوک قازاقلغک بوتون سنوحت ملیه سنی جانلاندیرمغه چالیشیر. تمثال فضیلت اولان باطرارک مخیر العقول، خارق العاده شجاعتلرینی خیالک آله بیلدیکنه اعظام ایدرک، وقوعات ماضیه ایله استشهاد ایدرک معجزه لی، کرامتلی برقه رمانلق تصویر ایدر. ایشته بوقهرمانلق اوکنده بوتون قازاقلر لال و مبسوت اولور؛ بر مدت ایچون ماضیده، باطر آنا بابارک مفاخری ایچنده یاشارلر...

آقونلر بعضاً عالم روحانیه دالار، جنت و جهنمدن، عذاب و رحمتدن دم اورر؛ انبیا و مرسلینی یاد، اوایا و صالحینک اذکار و عبادتلرندن بحث ایدر. تقوی و ورعی، ایمان و اسلامی تصویر ایدرک قازاقلری اییدک دعوت ایلر. آخرتی، اولومی جانلاندیریرکن آغلار و آغلادیر... وقت اولورک آقون عشق و محبت وادیلرنده پویان اولمغه باشلار. عاشقلرک روحلرینه، حسلرینه ترجهان اولمقدن زیاده آنلرک آغزلرندن چیقان سوزلری تشریح ایلر. معشوقک حسن و آنندن زیاده قیله سنک بویوکلکندن، باطرلرینک فوق العاده لکندن بحث ایدر؛ هله، سوکیلنک چیچه نلکی پک اوزون تصویرلر ایچون زمین اتخا ایدیلیر. آقون بو زمین اوزرنده دینلک بوتون قوتنی صرف ایدر؛ «صونقار و جورغا آت» صباحت و ملاححت تمثالیدر. شوخاله کوره سوکیلی، صونقار ویاخود جورغا آت تشبیه ایدیلیرسه بوتون کوزللك اساسلرینی جامع اولدینی سویلنمش اولور، دیمکدر.

ذاتاً آقونلر طبیعتده کی کوزللكلره پک آز اهمیت ویریرلر. طاغلر، باغلر، نهرلر، یشیللکلر، چیچکلر، آغلار... آنلر ایچون هیچدر. بواسملرک دلالت ایتدیکی مسلمان باشقه بونلرده آیروجه بر حسن، فضله بر بدیهه حس ایتزلر، آنکچون آقونلر شاعرلکلرینی محاسن طبیعتده مدیون دکدرلر... اولوم، آقونلر ایچون بعضاً پک ای اوله گلر الهام ایدر. آقون اولومی، اولومک مقدمه لرینی، اختیارلنی کوزینک اوکنه کتیره رک حیاتی، کنجلی خاطرلیر. اولومی وارلق ایله یوقلق آراسنده مادی برمصیت اوله رق تصویر ایدر؛ یوقلنی جانلاندیریر، وارلنی آغلادیر. فقط اولومک الهام ایتدیکی اوله گلر اکثریا «مرثیه» ویاخود «اشتکاو فریاد» شکلنده میدانه چیقار.

پیشمدی

ملیم ثابت

تورکک ششوی

۱۰ نموز. — عثمانلی تودک سلطنتک تکاملنده مهم برخطوه اولان و مشروطیت تاریخنک سرنجی کونی صابیلان ۱۰ نموزی طونوزنجی دفعه یشایارق سویندک. ۱۰ نموزک سکزنجی و طقونوزنجی دفعه لرینی دنیامک اک بویوک حادثه سی. جهان حرینی ایچویننده کچیرسودر. تورکیه بو حربه حیات و ممات مسئله سی اولدینی بیلهرک اشتراک اتمشدر. بو حربک هر بر کونی وحتی هر بر ساعتی تورکیه نک استقبالی و تاریخی نقطه نظرندن پک بویوک بر اهمیت